

Хойр цаг

Байхтй джиргэлин сүүрд,
Байрта сөнъгин үүрт,
Эгчир, ээджир сууна—
Энлэгтй цаган санна.

Көвүнэс күүк газалдг,
Күүнд эс тоолдг,
Арвн тав күүрхлэнь
Арк уугаад, болдг.

Болв, эхд үрн—
Бахта ик нерн.
Өлгөйтгэснь авн энъкрлдми,
Өсөд ирхлэнь байрлдми.

Күүкнй нег дэйснь—
Күүчнэс мордх кем,
Зовадг хадм экэсн
Зовлнь үзх гем.

Камзол гисн хувцнь
Керг уга байдж,
Чееджднь ирдг өвчнь
Чидлинъ барад йовдж.

„Аавирин“ тальвр хураггад,
Аагъ болгэниг долаггад,
—Ганзан өгтн!—гиггэд,
Гашун ута киилэд.

Гулмтин көвөггээр чөклдми,
Гольшг байдлэн үзүлдми,
Хадмасн толггагган бултул-
дми,
Хэргээр оньдин байдми.

Тиггхд тиим билэ,
Тер цагин мууль,
Эндр манд болхла
Эрки джиргэлин тууль.

* * *

Өдгэ цагт болхла
Орн-нутгиннь тблэ,
Залусла адл гүджрнэ,
Зөбр, джиргэлэн өскнэ.

Саальч гергд туурна
Сав-сархнь дүүрнэ,
Гермүд кеерүлдж бөсхна
Гаргэсн күүкдэн сургэна.

Цөкрлттй йосиг уурулснь
Эцк Ленинй заавр,
Цегэн булгшнь джиргэлнь
Энъкр партин гардвр!

САНЪГЪДЖИН Бося.